

四庫全書

史部

欽定四庫全書

史記卷一百十七

漢 太 史 令司馬遷 撰

宋 中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

司馬相如列傳第五十七

索隱右不宜在
西南夷之下

司馬相如者蜀郡成都人也字長卿少時好讀書學擊

劍索隱呂氏春秋劍伎云持短入長倏忽縱橫之術也魏文典論云餘好擊劍以短垂長是也故其

親名之曰犬子索隱孟康云愛而字之也相如既學索隱案秦宓云文翁遣相如受

^七經慕蘭相如之為人更名相如以貲為郎事孝景帝為

武騎常侍索隱張揖曰秩六百石常侍從格猛獸非其好也會景帝不好

辭賦是時梁孝王來朝從游說之士齊人鄒陽淮陰枚

乘吳莊忌夫子之徒集解徐廣曰名忌字夫子索隱案鄒陽傳云枚先生嚴夫子則此夫

子是美稱時人以為號爾而徐廣云字為非漢書作嚴忌者案忌本姓莊避明帝諱莊改姓嚴也相如

見而說之因病免客游梁梁孝王令與諸生同舍相如
得與諸生游士居數歲乃著子虛之賦會梁孝王卒相
如歸而家貧無以自業素與臨邛令王吉相善吉曰長

卿久宦遊不遂而來過我於是相如往舍都亭

索隱案
臨邛郭

下之
亭也

臨邛令繆為恭敬日往朝相如相如初尚見之後

稱病使從者謝吉吉愈益謹肅臨邛中多富人而卓王
孫家僮八百人程鄭亦數百人二人乃相謂曰今有貴
客為具召之并召令令既至卓氏客以百數至日中謁

司馬長卿長卿謝病不能往臨邛令不敢嘗食自往迎相如相如不得已彊往一坐盡傾酒酣臨邛令前奏琴曰竊聞長卿好之願以自娛相如辭謝為鼓一再行案古樂府長歌行短歌行皆曲引也此言鼓一再行謂一兩曲是時卓王孫有女文君

新寡好音故相如繆與令相重而以琴心挑之

集解郭璞曰以

琴中音挑動之索隱張揖云挑挑也以琴中挑之挑音徒了反挑音如了反其詩曰鳳兮鳳兮歸故鄉遊遨四海求其皇有一艷女在此堂室邇人遐毒我腸何由交接為鴛鴦又曰鳳兮鳳兮從皇棲得托子尾永為妃交情通體必和諧中夜相從別有誰相如之臨邛從車騎雍容閒雅甚都

集解韋昭曰閒讀曰閑甚得都邑之容也郭璞曰都猶姣也詩曰洵美且都及飲卓氏弄琴

文君竊從戶窺之心悅而好之恐不得當也既罷相如

乃使人重賜文君侍者通殷勤文君夜亡奔相如索隱郭璞

云婚不以禮為節也相如乃與馳歸家居徒四壁立集解郭璞曰言貧窮也索

隱案孔文祥云徒空也家空無資儲但有四壁而已言就此中以安立也卓王孫大怒曰女

至不材我不忍殺不分一錢也人或謂王孫王孫終不

聽文君久之不樂曰長卿第俱如臨邛索隱文穎云第且也郭璞云第

發語之急耳如往也從昆弟假貸猶足為生何至自苦如此相如

與俱之臨叩畫賣其車騎買一酒舍酤酒而令文君當

鑪

集解韋昭曰鑪酒肆也
以土為墮邊高似鑪

相如身自著犢鼻褌

集解韋昭曰今

三尺布作形如犢鼻褌此者言其
無恥也今銅印言犢紐此其類矣

與保庸雜作

集解駉案方言

保庸謂之甬南
方奴婢賤稱也

滌器於市中

集解韋昭曰瓦器
也每食必滌溉者

卓王孫

聞而恥之為杜門不出昆弟諸公

集解郭璞曰
諸公父行也

更謂王

孫曰有一男兩女所不足者非財也今文君已失身於

司馬長卿長卿故倦游

集解郭璞曰
厭游宦也

雖貧其人材足依

也且又令客獨奈何相辱如此卓王孫不得已分子文

君僮百人錢百萬及其嫁時衣被財物文君乃與相如歸成都買田宅為富人居久之蜀人楊得意為狗監侍

上

集解郭璞曰主獵犬也

上讀子虛賦而善之曰朕獨不得與此

人同時哉得意曰臣邑人司馬相如自言為此賦上驚乃召問相如相如曰有是然此乃諸侯之事未足觀也

請為天子游獵賦賦成奏之上許令尚書給筆札相如

以子虛虛言也為楚稱

集解郭璞曰稱述楚之美

烏有先生者

集解徐廣

曰烏一作惡

烏有此事也為齊難

集解郭璞曰詰難楚事也

無是公者無

是人也明天子之義

集解郭璞曰以爲折中之談也

故空藉此三人爲

辭

索隱藉音假假與積同音

以推天子諸侯之苑囿其卒章歸之於

節儉因以風諫奏之天子天子大說其辭曰楚使子虛

使於齊齊王悉發境內之士脩車騎之衆與使者出田

田罷子虛過詫烏有先生

集解郭璞曰詫誇也音託夏反索隱過音戈詫音勅亞反

而無是公在焉坐定烏有先生問曰今日田樂乎子虛

曰樂獲多乎曰少然則何樂曰僕樂齊王之欲夸僕以

車騎之衆而僕對以雲夢之事也曰可得聞乎子虛曰

可王駕車千乘選徒萬騎田於海濱列卒滿澤罟罔彌

山

集解郭璞曰罟罾也音浮正義說文云罟兔罟也今幡車罟也彌竟也

揜兔麟鹿射麋

腳麟

集解徐廣曰麟音各駟案郭璞曰腳倚足麟車轢索隱韋昭云腳謂持一腳也司馬彪曰腳倚也說

文云倚偏引一腳也

驚於鹽浦割鮮染輪

集解郭璞曰鹽浦海邊地多鹽鹵鮮生肉也染

濡也音而沿反又音而悅反濡之於輪鹽而食之驚馳也音務索隱染或為淬與下文將割輪淬意同也射

中獲多矜而自功顧謂僕曰楚亦有平原廣澤游獵之

地饒樂若此者乎楚王之獵何與寡人

集解郭璞曰與猶如也

僕

下車對曰臣楚國之鄙人也幸得宿衛十有餘年時從

出游游於後園覽於有無然猶未能徧觀也又惡足以言其外澤者乎齊王曰雖然畧以子之所聞見而言之僕對曰唯唯臣聞楚有七澤嘗見其一未覩其餘也臣

之所見蓋特其小小者耳

索隱郭璞云特獨也

名曰雲夢

索隱褚詮音亡

棟反又音莫風反裴駰云孫叔敖澍沮水作此澤張揖云楚薺也在南郡華容縣郭璞曰江夏安陸有雲夢城南郡枝江亦有雲夢城華容縣又有巴邱湖俗云即古雲夢澤也則張揖云在華容者指此湖也今案安陸東見有雲夢城雲夢縣而枝江亦有者蓋縣名遠取此澤故有城也

雲夢者方九百里其

中有山焉其山則盤紆第鬱隆崇律峯峯巖參差日月

蔽虧

集解駢索漢書音義曰高山壅蔽日月虧缺半見索隱案漢書注此卷多不題注者姓名解者云是

張揖亦兼有餘人也

交錯糾紛上干青雲罷池陂陀下屬江河其

土則丹黃赭堊

集解徐廣曰一作瑕索隱張揖云赭赤土出少室山堊白堊本草云一名白塏

也雌黃白垺

集解徐廣曰音符駢索漢書音義曰白符白石英也索隱白垺出魯陽山蘇林音附

正義藥對曰雌黃出武都山谷與雄黃同山

錫碧金銀

正義顏云錫青金也碧謂玉之青白色者

也衆色炫燿照爛龍鱗

集解郭璞曰如龍之鱗來

其石則赤玉玫瑰

集解郭璞曰赤瑾也見楚辭玫瑰石珠也

琳瑯琨瑀

集解駢索漢書音義曰琳瑯琨瑀琳球也珉石次玉者琨

瑀山名也出善金尸子曰昆吾之金者索隱司馬彪曰琨瑀石之次玉也河圖云流州多積石名琨瑀石鍊之

成鐵以作劍光明如水

璵玞

集解徐廣曰璵音古咸反玞音勒皆次玉

者駟案漢書音義曰玄厲黑石可用磨者

璵石武夫

集解徐廣曰石似玉駟案漢書音義曰璵石出

鴈門武夫出長沙也

其東則有蕙圃衡蘭芷若射干穹窮菖蒲

集解

駟案漢書音義曰衡杜衡也其狀若葵其臭如麝蕙芷白芷若杜若也索隱司馬彪云蕙香草也本草云薰草一名蕙廣志云蕙草綠葉紫莖魏武帝以此燒香今東下田有草莖葉似麻其華正紫也張揖云衡杜衡東下田有草生天帝之山案山海經云葉如葵臭如麝蕙可以走馬博物志云一名土杏味亂細辛葉似葵故藥對亦以為似細辛也蘭秋蘭本草云芷一名菹坪蒼云齊菹一曰鴛字林曰菹音昌亥反又音昌里反鴛音火高反本草又曰杜若一名杜衡今杜若葉似薑而有文理莖葉皆有長毛古今名號不同故其所呼別也廣雅云

烏蓬射干本草名烏扇也司馬彪云芎藭似藁本郭璞云今歷陽呼為江離淮南子云夫亂人者若芎藭之與也

江離藁蕪諸蕪博且

集解徐廣曰博音匹沃反駟

蕪蕪芷也似蛇床而香諸蕪甘柘也博且蕪荷也索隱吳錄曰臨海縣海水中生江離正青似亂髮即離騷所云者是也廣志云赤葉紅花則與張勣所說又別案今芎藭苗曰江離綠葉白華又不同樊光曰藁本一名蕪蕪根名蕪芷藥對以為蕪蕪一名江離芎藭苗也則芎藭蕪本江離蕪蕪並相似脩是一物也博音普各反且音子餘反漢書作巴且文穎云巴蕉也郭璞以為蕪荷屬未知孰是其南則有平原廣澤

登降陀靡

集解駟案

案衍壇曼

索隱司馬彪云案衍窾下壇曼平博也衍音弋

單反壇音

緣以大江限以巫山

集解郭璞曰巫山今在建平巫縣也

其高

徒旦反

史記

七

燥則生歲斯苞荔

集解徐廣曰歲音針馬藍也斯或曰草生水中華可食荔音力詣反草似

蒲駟案漢書音義曰苞蘼也索隱斯音斯郭璞云歲酸醬江東名烏歲析漢書作斯孟康云斯禾似燕麥廣志

云涼州地生析草皆如中國燕麥是也

薛莎青蘋

集解徐廣曰薛音先結反駟案漢書音義曰薛

賴蒿也莎鎬侯也青蘋似莎而大也音煩

其卑溼則生藏葭蘼葭東薔雕胡

集解徐廣曰烏桓國有薔似蓬草實如葵子十月熟駟案漢書音義曰藏似葭而葉大葭葭尾草也蘼蘼也葭

蘼也索隱卑音婢卑下也郭璞云葭尾似茅蘼葭音蕪加孟康云蘼葭似蘼也郭璞云蘼葭也似蘼而細小江

東人呼為蘼蒿又云葭蘼也似葭而細小江東人呼為烏蘼葭音五患反葭音敵廣志云東薔子色青黑河西

記云貸我東薔償我白梁也雕胡謂菰米

蓮藕菰蘼

集解徐廣曰生水中索隱郭璞云菰將也蘼葭

也

菴蘭軒芋

集解駟案漢書音義曰菴蘭蒿也軒芋菴草也索隱郭璞云菴蘭子可療病也軒芋

生水中心揚州有也

衆物居之不可勝圖

集解郭璞曰圖畫也

其西則有湧

泉清池激水推移外發芙蓉菱華內隱鉅石白沙其中

則有神龜蛟鼉

正義郭注山海經云蛟似蛇而四脚小細頭有白嬰大者數十圍卵生子如一

二斛瓮吞人鼉似蜥蜴而大身有甲皮可以冒鼓

瑤瑁

正義似鱗甲有文出南海可以飾器物也

鼈鼉其北則有陰林巨樹榿栴豫章

集解郭璞曰榿杞也似梓栴葉似桑

豫章大木也生七年乃可知也正義按溫活人云豫今之枕木也章今之樟木也二木生至七年枕樟乃可分

別

桂椒

正義郭云桂似枇杷葉而大白花花而不著子藪生巖嶺間無雜木冬夏常青按今諸寺有桂

樹葉若枇杷而小光靜冬夏常青其皮不中食蓋二色桂樹

木蘭

正義廣雅云似桂皮辛可食葉冬夏

常似冬其實如小甘辛美南人以為梅也

藥離朱楊

集解徐廣曰藥音扶戾反駟案郭璞曰木蘭樹

皮辛香可食漢書音義曰離山梨朱楊赤楊也索隱郭璞云朱楊赤莖柳生水邊爾雅云檉河柳是也

櫨

樹櫨栗橘柚芬芳

集解徐廣曰櫨音郢駟案漢書音義曰櫨櫨棗也正義小曰櫨大曰柚樹

有刺冬不凋葉青花白子黃亦二樹相似非橙也

其上則有赤猿

蟻蟻集解徐

勅柔正義蟻音勅

鵲雛孔鸞騰遠射干

集解郭璞曰鵲雛鳳屬也孔孔

雀鸞鸞鳥也駟案漢書音義曰騰遠鳥名射干似狐能緣木索隱孟康云騰遠鳥名非也司馬彪云騰遠蛇也

郭璞云騰蛇龍屬能興雲霧

其下則有白虎元豹螭蛇羆豸

集解郭璞曰螭

蛇大獸長百尋，羆似狸而大。駟案漢書音義曰：「豺胡地野犬似狐而小也。」索隱應劭云：「豺音顏，韋昭一音岸，鄒

誕生音苦，姦反，協音是。

兕象野犀。

正義：兕狀如水牛，象大獸，長鼻牙長一丈，俗呼為江獫狁，頭似

獫狁一角在額，漢書並無此句。

窮奇殫殫於是，乃使專諸之倫手格此

獸。楚王乃駕馴駁之駟。

集解：駟案漢書音義曰：「馴，擾也。駁如馬，白身黑尾，一角，鋸牙，食

虎豹，駕之以當駟馬也。

乘雕王之輿，靡魚須之橈旒。

集解：郭璞曰：「以海魚須為

旒，旌言橈弱也。通帛為旒也。」

曳明月之珠旗。

集解：駟案漢書音義曰：「以明月珠綴飾旗。」建

干將之雄戟。

集解：駟案漢書音義曰：「干將，韓王劍師雄戟。胡中有鉞，干將所造也。」索隱應劭曰：「干

將，吳善冶者，姓如淳曰：「干將，鐵所出，晉灼曰：「閭閻鑄干將劍，應劭說是方言云：戟中，小子刺者，所謂雄戟也。」周

處風土記云戟為五兵雄也能音巨案周禮冶氏為戈胡三之注云胡其子也又周禮圖謂戟支曲下為胡也

左烏嗥之雕弓

索隱張揖云黃帝乘龍上仙小臣不得上挽持龍髯髯拔墮黃帝弓羣臣抱弓

而號故名烏號見封禪書及郊祀志文又韓詩外傳云弓工之妻曰此弓是太山南烏號之柘桑淮南子云烏

號柘桑其材堅勁烏棲其上將飛枝勁復起標呼其上伐取其材為弓因曰烏號古史考風俗通皆同此說也

右夏服之勁箭

集解徐廣曰韋昭云夏夏羿也矢室名曰服呂靜曰步义謂之服也索隱案夏

羿善射者又服箭之室故云夏服又夏后氏有良弓名繁弱其矢亦良即繁弱箭服也陽子驂乘

織阿為御

集解駉案漢書音義曰陽子仙人陽陵子織阿月御也韋昭曰陽子古賢也索隱張揖云

陽子伯樂也孫陽字伯樂秦穆公臣善御者也或曰織阿美女姣好貌又樂彥曰織阿山名有女子處其巖月

歷數度躍入月中因為月御也郭璞云纖阿古之善御者案節未舒索隱郭璞云言

云案轡而行得節故曰案節馬足未展故曰未舒亦為得也即陵狡獸麟叩叩甃距

虛集解郭璞曰叩叩似馬而色青距虛即叩叩變文軼互言之穆天子傳曰叩叩距虛日走五百里也

野馬而轉駒駖集解徐廣曰轉音銳駒案郭璞曰野馬如馬而小駒駖似馬轉車軸頭索隱轉

之音衛謂軸頭轉而殺之駒音陶駖音塗垂遺風而射游騏集解駒案漢書音義曰遺風千

里馬爾雅曰騏如馬一角不角者騏也索隱呂氏春秋云遺風之乘古今注曰秦始皇馬名韋昭曰騏如馬無

角非麒麟之騏騏音攜儵申淒洌集解徐廣曰淒音七見反洌音力諸反駖案漢書音義曰皆疾

貌雷動燁至星流霆擊弓不虛發中必決皆集解韋昭曰在目所

指中必決於眼皆也洞宵達腋絕乎心繫獲若兩獸揜草蔽地於

是楚王乃弭節裴回

集解郭璞曰或云節今之所杖信節也索隱司馬彪云弭猶低也

翱翔容與

索隱郭璞曰言自得

覽乎陰林觀壯士之暴怒與猛獸

之恐懼徼飢受詘

集解徐廣曰飢音劇駟案郭璞曰飢疲極也詘盡也言獸有倦游者則徼

而取之索解司馬彪云徼遮也飢倦也謂遮其倦者飢音劇詘音屈說文云飢勞也燕人謂勞為飢徼音古堯

反殫睹衆物之變態於是鄭女曼姬

集解郭璞曰曼姬謂鄧曼姬婦人之

總稱正義文穎云鄭國出好女曼者其色理曼澤也如淳云鄭女夏姬也曼姬楚武王夫人鄧被阿錫

集解駟案漢書音義曰阿細繒也錫布也正義按東阿出繒也

揄紵縞

集解徐廣曰揄音史正義揄曳

也韋云紵之色若縞也顏
云紵織紵也縞鮮支也

雜織羅垺霧縠

集解郭璞曰言細如霧垺

以覆頭

襃積褰縞紵徐委曲鬱撓谿谷

集解駉案漢書音義曰襃積簡諧也

褰縮也縞裁也其縞中文理第鬱迴曲有似於谿谷也
索隱小顏云此說非也襃積今之希攝古謂之皮弁素

積是也蘇林曰褰縞縮威之也縞音側救反
諧音助草反裁音在代反曲字林音邱欲反粉粉排排

義上芳云反下方非反揚施邱削

集解徐廣曰施音迤衣袖也駉案漢書音

義曰邱削裁制貌也索隱張
揖云揚舉也邱削刻除貌也

蜚纖垺髻

集解徐廣曰纖音芟駉案郭璞

曰纖袿衣飾
髻髻髻也

扶輿猗靡

集解郭璞曰淮南所謂曾折摩地扶輿猗委也正義輿音餘猗

於綺反謂鄭女曼姬侍從
王者扶其車輿而猗靡

喻呬萃蔡

集解駉案漢書音義曰喻呬衣裳張

起也萃蔡衣聲也索隱韋昭云呬音呼甲反郭璞云
萃蔡猶璀璨也正義呬火甲反萃音翠蔡千賄反下

摩蘭蕙上拂羽蓋錯翡翠之威蕤集解徐廣曰錯音
措或作錯紛翠蕤繆

繞玉綏集解郭璞曰綏所執以登車正義顏云下摩蘭
蕙謂垂髻也上拂羽蓋謂飛織也玉綏以玉飾

綏也言飛織垂髻錯雜翡翠之旌旗或繞玉綏也張揖
云翡翠大小一如雀雄赤曰翡翠雌青曰翠博物志云翡

身通黑唯脅前背上翼後有赤毛翠身通青黃唯六翮
上毛長寸餘青其飛則羽鳴翠翡翠然因以為名也

縹乎忽忽若神仙之彷彿正義佛言似神仙也戰國策
云鄭之美女粉白黛黑而立

於衢不知者於是乃相與獠於蕙圃集解郭璞曰獠獵
也音遼索隱爾雅

云宵獵
曰獠
嬰珊勃窣上金隄索隱嬰珊匍匐上
下也窣音素忽反揜翡翠射

鷦鷯

集解駢案漢書音義曰鷦鷯鳥似鳳也索隱司馬彪曰鷦鷯山鷦也許慎云鷦鳥也郭璞曰似鳳有

光彩音浚宜李彤云鷦鷯神鳥飛光竟天也

微矰出纖繳施

集解徐廣曰繳音斫

弋白

鵠連駕鵠

集解郭璞曰野鵠也駕音加索隱爾雅云舒鴈鵠也正義鵠水鳥也駕鵠連謂兼獲也抱

朴子云千歲之鵠純白能登於木

雙鷦下玄鶴

集解郭璞曰詩云弋言加之是也正義司

馬彪云鷦似鴈而黑亦呼為鷦括韓詩外傳云胎生也相鶴經云鶴壽二百六十歲則色絕黑按弋雙鷦既下

又加玄鳥之上也

急而後發游於清池浮文鷦

集解駢案漢書音義曰鷦水鳥

也畫其象於船首淮南子曰龍舟鷦首天子之乘也

揚桂枻

集解徐廣曰音曳駢案韋昭曰枻檝也

張翠帷建羽蓋罔璫釣紫貝

集解郭璞曰紫質黑文也正義毛詩蟲魚疏云

貝水之介蟲大者蚌音下郎反小者為貝其白質如玉紫點為文皆成行列當大者徑一尺小者七八寸今九

真交趾為杯盤實物也貨殖傳云貝寶龜是也撻金鼓吹鳴籟集解駟案漢書音義曰撻撞也

籟籟蕭也榜人歌集解郭璞曰唱擢歌也榜船也音謗聲流喝集解徐廣曰烏邁反水蟲

駭波鴻沸涌泉起奔揚會礪石相擊礪礪磕磕若雷霆

之聲聞乎數百里之外將息獠者擊靈鼓集解郭璞曰靈鼓六面也

起烽燧車案行騎就隊纚乎淫淫班乎裔裔集解郭璞曰皆羣行

貌也於是楚王乃登陽雲之臺集解徐廣曰宋玉云楚王游於陽雲之臺駟案郭璞

曰在雲夢之中泊乎無為澹乎自持勺藥之和具而後御之集解

郭璞曰勺藥五味也

不若大王終日馳騁而不下輿將割輪淬自

以為娛

集解徐廣曰淬千內反駟案郭璞曰將膊淬染也將音鸞也

臣竊觀之齊殆

不如於是王默然無以應僕也烏有先生曰是何言之

過也足下不遠千里來况齊國

集解郭璞曰言有惠况也

王悉發境

內之士而脩車騎之衆以出田乃欲戮力致獲以娛左

右也何名為夸哉問楚地之有無者願聞大國之風烈

先生之餘論也今足下不稱楚王之德厚而盛推雲夢

以為高奢言淫樂而顯侈靡竊為足下不取也必若所

言固非楚國之美也有而言之是章君之惡無而言之

是害足下之信章君之惡而傷私義二者無一可而先

生行之必且輕於齊而累於楚矣且齊東有巨海索隱

渚蘇林云渚音渚小洲曰南有琅邪集解郭璞曰山名

渚謂東有大海之渚也山名在密州東南百三十里琅邪臺在山上集解徐廣曰在東萊

觀闕也於山上築宮闕郭璞言在小游觀音古喚反正

義封禪書云成山斗入海言上山觀也括地志云成山

在萊州文登縣東射乎之果集解駉案漢書音義曰之

北百八十里也果山在牟平縣射獵其上

也正義括地志云果山在萊州文登縣浮游渤澥集解駉

西北百九十里言射獵其上也果音浮浮游渤澥案漢書

音義曰海別枝名也索隱案齊都賦云海旁曰勃斷水曰澥也游孟諸集解郭璞曰宋之藪澤名正義

周禮職方氏青州藪曰望諸鄭玄云望諸孟潞也邪與肅慎為鄰正義邪謂東北接之括地

志云靺鞨國古肅慎也亦曰挹婁在京東北八千四百里南去扶餘千五百里東及北各抵大海也右以

湯谷為界正義言右者北向天子也海外經云湯谷在黑齒北上有扶桑木水中十日所浴張揖云

日所出也許慎云熱如湯炆田乎青邱傍徨乎海外正義服虔云青邱國在海東三

百里郭云青邱山名上有田亦有國出九尾狐在海外吞若雲夢者八九其於宵

中曾不薜芥索隱張揖云薜芥刺鯁也郭璞云言不覺有也若乃倂儻瑰偉異

方殊類珍怪鳥獸萬端鱗萃充仞其中者不可勝記禹

不能名契不能計

正義禹為堯司空辨九州土地山川草木禽獸契為司徒敷五教主四方

會計言二人猶不能名計其數

然在諸侯之位不敢言游戲之樂苑囿

之大先生又見客

索隱先生指子虛也如淳曰見賓客禮待故也李善曰言見先生是賓客

之是以王辭而不能復

索隱郭璞曰復答也

何為無用應哉無是

公听然而笑

集解郭璞曰听笑貌也索隱听音斷又音牛隱反

曰楚則失矣齊

亦未為得也夫使諸侯納貢者非為財幣所以述職也

封疆畫界者非為守禦所以禁淫也今齊列為東藩而

外私肅慎捐國踰限越海而田其於義故未可也且二

君之論不務明君臣之義而正諸侯之禮徒事爭游獵之樂苑囿之大欲以奢侈相勝荒淫相越此不可以楊名發譽而適足以貶君自損也且夫齊楚之事又焉足

道邪君未睹夫巨麗也獨不聞天子之上林乎左蒼梧

右西極

集解郭璞曰西極國也正義文穎云蒼梧郡屬交州在長安東南故言左爾雅云西至於豳國

為極在長安西故言右

丹水更其南

集解駉案漢書音義曰丹水出上洛冢領山

紫淵

徑其北

集解郭璞曰紫淵所未詳正義山海經云紫淵水出根耆之山西流注河文穎云西河穀羅縣

有紫澤其水紫色注亦紫在縣北於長安為北

終始霸漚出入涇渭

索隱張揖云霸出藍

田西北而入渭漚亦出藍田谷北至霸陵入霸漚漚二水盡於苑中不出故云終始也涇渭二水從苑外來又出苑去也涇水出安定涇陽縣竿頭山東至陽陵入渭渭水出隴西首陽縣鳥鼠山東北至華陰入河 鄠 鄠漚漚集解鄠郭璞曰皆水流貌音決索隱張揖曰豐水出鄠縣南山豐谷北入涇渭鎬水在昆明池北郭璞云鎬水豐水下流也應劭云漚漚也漚漚出聲也案張揖云漚水出南山姚氏云漚或作漚漚水出鄠縣北注渭漚水出杜陵今名沉水自南山皇子陂西北流注昆明池入渭案此下文八川分流則從涇渭霸漚漚豐鎬漚漚為八晉灼則云計從丹水以下至漚除漚為行潦凡九從霸漚以下為數凡七案今漚既是水名除丹水紫淵自霸以下通數適足八川是經營乎其內也又潘岳闕中記曰涇渭霸漚豐鎬漚漚上林賦所謂八川也

分流也

紆餘委蛇經營乎其內蕩蕩兮八川分流相背而

異態

集解郭璞曰八川名在上

東西南北馳騖往來出乎椒邱之闕

行乎洲淤之浦

集解郭璞曰椒邱邱名言有巖闕也見楚辭淤亦洲名蜀人云見方言索隱服

虔云邱名也案兩山俱起象雙闕故云椒邱之闕楚詞曰馳椒邱旦焉止息是也如淳云邱多椒也徑乎

桂林之中

集解郭璞曰桂林林名也見南海經也

過乎決莽之野

集解駉案漢書

音義曰山海經所謂大荒之野

汨乎渾流順阿而下

集解郭璞曰阿大陵

赴隘陝

之口觸穹石激堆埼

集解郭璞曰穹隆大石貌堆沙堆埼曲岸頭音祈

沸乎暴

怒洶湧滂潰

集解駉案洶音許勇反涌音勇滂音浦橫反潰音浦拜反索隱司馬彪曰洶湧跳起

貌澎湃波相挨也湧或作容澎湃或作滂

淠淠淠汨

索隱司馬彪云淠淠盛貌淠汨去疾也正義畢

渤密三音
汨于筆反
滔測泌御

集解郭璞曰逼側筆柳四音索隱

也
橫流逆折轉騰澈冽

索隱蘇林曰流輕疾也

彭漚沆瀝

索隱瀝亦作漚

司馬彪云滂漚水聲沆漚徐流也郭璞云鼓怒鬱鯁之貌也正義彭普彭反漚普祕反沆胡朗反漚胡代反

穹隆雲撓

索隱服虔云水急旋回如雲屈曲也郭璞云水龍起回窾也

蜿澶膠戾

司馬彪云蜿澶展轉也膠戾邪曲也音宛善交戾四音正義蜿音婉澶音善

踰波趨浥

曰鳥狹反索隱司馬彪云踰波後陵前也趨浥輸於深泉也

莅莅下瀨

音利批巖衝壅

正義批白結反礫巖司馬彪云批反擊也壅曲隈也

犇揚滯沛

云滯沛水灑散貌滯音丑制反臨坻注壑
正義坻音遲坻水中沙微起出水者也爾雅曰水汙曰坻

乎蛟龍赤螭

正義螭丑知反文頴云龍子為螭張揖曰雌龍也二說皆非廣雅云有角曰虬無角

曰螭按此皆龍類而非龍魚鰾鱗離

集解徐廣曰鱗音斬駟案郭璞

正義鰾古鄧反鱗未鄧反李奇云周洛曰鰾蜀曰鰾鱗出犂山穴中三月遡河上能度龍門之限則為龍矣

鰾鰾鰾魚

集解徐廣曰鰾音娛皮有文出樂浪鰾音虔鰾音託哆口魚駟案郭璞曰鰾似鰾而黑漢

書音義曰鰾似鯉而大也

禺禺鰾魚

集解徐廣曰禺禺魚牛也鰾一作鰾駟案

漢書音義曰鰾比目魚也鰾鰾魚

捷鰾擢尾振鱗奮翼潛處于深巖魚

鼈謹聲萬物衆夥明月珠子率璣江靡

集解郭璞曰靡崖也索隱應劭

云明月珠子生於江中其光耀乃照於江邊也正義捷音乾鰾音祁捷舉也鰾者魚背上鬣也

蜀石黃

反駟案漢書音義曰鷗鷖蒼黑色郭璞曰鷗魚鵠也脚近尾鷗鷖也索隱張揖曰鷗鷖似魚虎而蒼黑鄒誕

本作鵠

羣浮乎其上汎淫泛濫波自縱漂貌汎音馮泛

音芳劍反廣雅云汎汎汎汎羣浮也隨風澹淡與波搖蕩掩薄草渚正義

也薄依也言或依草渚而遊戲也唆唆菁藻集解郭璞曰菁水草呂氏春秋曰太湖之菁也索隱

左傳云蘋蘩蒹葭聚也正義唆唆咀嚼淩藕於是乎崇

山龍從崔巍差正義龍力孔反從于孔反崔在深林

鉅木嶄巖參差正義嶄音咸又仕銜反參音楚林反差楚宜反顏云嶄巖尖銳貌參差

九夔截薛南山我集解駉案漢書音義曰九夔山在左馮翊谷口縣西截薛山在池陽

云陂池旁類貌
陂音皮𧈧音被

沈溶淫鬻

索隱郭璞云游激淖衍貌正
義溶音容鬻音育張云水流

谿谷之間散渙夷陸

索隱司馬彪云夷
平也廣平曰陸

亭臯千里靡不被築

集解郭璞曰言為亭侯於臯隰皆
築地令平賈山所謂隱以金椎也

掩以綠蕙

正義張云
綠王芻也

蕙薰草也顏云綠蕙言蕙草色綠
耳非王芻也爾雅云葦一名王芻

被以江離糅以蘼蕪

正義糅

以流夷

集解駉案漢書音
義曰流夷新夷也

專結縷

集解徐廣
曰專古布

字一作怖駉案漢書音義曰結縷
似白茅蔓聯而生布種之者也

攢戾莎

集解徐廣曰
草可染紫

揭車衡蘭橐本射干

集解徐廣曰揭音桀駉案郭璞曰
揭車一名乞與橐本橐本射干十

月生皆香草索隱案桐
君藥錄橐本苗似穹蒼

茈薑蕒荷

索隱張揖云茈薑子
薑也案四民月令生

薑謂之芷薑音紫正義蕺人羊反柯根
旁生笋若芙蓉可以為菹又治蠱毒也
歲橙若蓀集解郭璞

曰歲未詳橙柚若蓀香草也索隱姚氏以為此前後皆
草非橙柚也漢書作歲持小顏云歲寒漿也持當為符

字之誤爾符鬼目也案今讀者亦呼為登謂登草也
姚氏云蓀草似菖蒲而無脊也生溪澗中蓀音蓀

枝黃礫

集解郭璞云皆未詳索隱張揖云皆草也司馬彪云鮮支即今支子或云鮮枝亦香草也小顏

云黃礫者黃
屑木恐非也

蔣芋青蘋

集解徐廣曰芋音佇駟案漢書音義曰蔣蓀也芋三稜索隱蘋

音煩布濩閔澤延蔓太原麗靡廣衍應風披靡吐芳揚烈

集解郭璞曰香酷烈也

郁郁斐斐衆香發越肝蠻布寫晻曖苾勃

正義晻曖奄愛二音皆芳香
之盛也詩云苾苾芬芬氣也
於是乎周覽泛觀瞋眙眙

沕

集解徐廣曰臚音田人反盼一作緝駟案郭璞曰皆不可分貌

芒芒恍忽視之無端

察之無崖日出東沼入於西陂

索隱張揖曰日朝出苑之東池暮入於苑西陂

也其南則隆冬生長踊水躍波獸則牖旄獫狁

集解徐廣曰牖

音容獸類也犛音狸一音茅駟案郭璞曰旄旄牛獫似熊庫脚銳頭犛牛黑色出西南徼外也索隱郭璞云牖

牖牛領有肉堆即今之犛牛也張揖云旄旄牛其狀如牛而四節生毛獫白豹也似熊庫脚銳鬣骨無髓食銅

鐵音陌犛音狸又音茅或以為犛牛毛可為韜是也

沈牛廔廔

集解駟案漢書音義曰沈牛水牛也

正義廔似鹿而大按廔似水牛

赤首圜題

集解郭璞曰題額也所未詳

窮奇象犀

集解

駟案漢書音義曰窮奇狀如牛而蜎毛其音如嗥狗食人也索隱郭璞云象大獸長鼻牙長一丈犀頭似猪犀

脚一角其北則盛夏含凍裂地涉冰揭河集解郭璞曰言水漫凍不

解地拆裂獸則麒麟角集解郭璞曰角麟音端似猪

也揭褰衣獸則麒麟角集解郭璞曰角麟音端似猪

此弓十張遺蘇武也索隱張揖曰雄曰麒麟雌曰麟其狀麋身牛尾狼蹄一角郭璞云麒麟似麟而無角毛詩疏云

麟黃色也張揖有肉京房傳云麟有五綵腹下有黃色也張揖云角端似牛角可以為弓 駒駘橐駝

蛩蛩驛駘駘驢驪正義駒駘桃徒二音索音託駘徒

決啼於是乎離宮別館彌山跨谷正義彌滿也跨猶騎

也谿谷高廊四注重坐曲閣集解郭璞曰重坐重華棖壁

璫索隱韋昭曰裁玉為壁以當棖輦道纏屬步櫚周流

長途中宿

集解郭璞曰途樓閣間
陞道中宿言長遠也

夷窳窳堂壘臺增成

巖突洞房

集解郭璞曰巖山名平之以安堂其上成亦
重也周禮曰為壇三成在巖穴底為室潛通

臺上者索隱服虔曰平夔山以為堂也張揖云重累而
成之故曰增成突音一弔反釋名以為突幽也楚詞云

冬有突屢室寒王
逸以為複室也

俛杳眇而無見仰攀椽而捫天奔星

更於閨闈宛虹拖於楯軒

集解徐廣曰楯音食尹反正
義施音徒我反顏云宛虹屈

曲之虹拖謂中加於上也楯軒之闌
板也言室宇之高故星虹得經加之青蚪蚴蟉於東箱

正義蚴一糾
反蟉力糾反

象輿婉蟬於西清

集解駟案漢書音義曰
山出象輿瑞應車也郭

璞曰西清西箱清淨地也正義婉蟬宛
善二音顏云蚴蟉婉蟬皆行動之貌也

靈園燕於間觀

集解郭璞曰靈園淳園仙人名也索隱張揖云
靈園衆仙號淮南子云騎飛龍從淳園是也
倭佺之

倫暴於南榮

集解駢案漢書音義曰倭佺仙人名也索
隱韋昭云古仙人姓倭列仙傳云槐里採

藥父也食松形體生毛數寸方眼能行速走馬也應劭
曰南榮屋檐兩頭如翼也故鄭玄云榮屋翼也高誘云

飛榮似鳥舒是也
暴偃卧日中也

醴泉湧於清室通川過乎中庭槃石

振崖

集解徐廣曰振音屑索隱如淳曰振音振振盛
也李奇云振整也整頓池外之厓音之忍反
嶽

巖倚傾差我磔磔

集解徐廣曰我一作池磔音雜磔音
五合反索隱埤蒼云磔磔高貌磔音

士切反磔音五捐反又字
林音磔才西反磔五匝反刻削崢嶸然若彫刻也
玫

瑰碧琳珊瑚叢生

正義郭璞曰珊瑚生水底石邊大者
樹高三尺餘枝格交錯無有葉者也

璿玉旁唐

索隱郭璞云唐言盤薄

璵璠文鱗

集解徐廣曰璵音彬璠音班

赤瑕

駁聲

索隱說文云瑕玉之小赤色張揖曰赤玉也司馬彪云駁聲采點也聲音洛角反

雜宙其

間

集解徐廣曰雜一云挿市一云還

垂綏琬琰和氏出焉

集解徐廣曰垂綏一作朝

采駟案郭璞曰汲冢竹書曰桀伐岷山得女二人曰琬曰琰桀愛二女斷其名於茗華之玉茗是琬華是琰也

於是乎盧橘夏孰

集解郭璞曰今蜀中有給客橙似橘而非若柚而芬香冬夏華實相繼或

如彈丸或如拳通歲食之即盧橘也索隱應劭云伊尹書曰果之美者箕山之東青馬之所有盧橘夏孰晉灼

曰此雖賦上林博引異方珍奇不係於一也案廣州記云盧橘皮厚大小如甘酢多九月結實正赤明年二月

更青黑夏熟吳錄云建安有橘冬月樹上覆裹明年夏色變青黑其味甚甘美盧即黑色是也黃甘橙

集解徐廣曰檣音而善反果也索隱張揖云檣檣支香草

也韋昭曰檮音汝蕭反郭璞云檮支木也檮音烟此說為近說文曰檮酸小棗也淮南子云伐檮棗以為矜音

集解徐廣曰檇音亭山梨索隱司馬彪曰
上黨謂之檇檇齊都賦云檇檇熟也厚朴

集解徐廣曰檇音弋并反檇棗似柿索
隱張揖曰楊梅實似穀子而有核其味

集解郭璞曰蒲陶似燕萸

隱夫鬱

集解徐廣曰鬱一作萸格音谷駟案郭璞曰鬱車下李也隸實似櫻桃格探似李隸

音達樑音沓隱夫未聞索隱晉灼曰荔枝大如鷄子皮
麤剝去皮肌如雞子中黃其味甘多酢少廣志云樹高

五六丈如桂樹綠葉冬夏青茂有
華朱色荔字或作離音力致反

羅乎後宮列乎北園

貽邱陵

集解郭璞曰貽猶延也音施

下平原揚翠葉杌紫莖

集解郭璞曰杌

也搖發紅華秀朱榮煌煌扈扈照曜鉅野沙棠櫟集解

漢書音義曰沙棠似棠黃華赤實其味如李呂氏春秋曰果之美者沙棠之實櫟果名櫟似樵葉冬不落也

華汜櫟

集解徐廣曰汜一作楓駟案漢書音義曰華木皮可以為索也索隱古今字林云櫟合樺

也郭璞云楓似白楊素圓而岐有脂而香捷為舍人曰楓為樹厚葉弱莖大風則鳴故曰攝擗攝擗平仲木也

亦云火藁木一云玉精食其子得為神仙也

留落胥餘仁頻并閭

集解徐廣曰頻一作

賓駟案郭璞曰落獲也胥餘似并閭并閭櫟也皮可作索餘未詳索隱晉灼曰留闕未詳司馬彪云胥邪樹高

十尋葉在其末異物志實大如瓠繫在顛若挂物實外有皮中有核如胡桃核裏有膚厚半寸如猪膏裏有汁斗餘清如水味美於蜜也孟康曰仁頻掇也姚氏云攬檟一名掇即仁頻也林邑記云樹葉似甘蕉頻音賓攬檀木蘭豫章女貞集解駟案漢書音義曰攬檀檀別名也女貞木葉冬不落索隱攬音詭皇覽云孔子墓後有攬檀樹也荊州記宜都有喬木叢生名為女貞長千仞大連抱夸條

直暢實葉後茂攢立叢倚連卷累危崔錯發骹集解駟案古委

字阮衡間集解徐廣曰發音拔駟案郭璞曰骹音委

錯發骹者蟠戾相膠也阮垂條扶於落英幡纚集解郭璞曰扶

衡間者揭孽傾敵貌也於猶扶疎也幡纚偏幡也音灑紛容蕭蔘旖旎從風索隱

張揖云猗猗猶阿那也

瀏莅卉吸

集解徐廣曰莅音栗索隱郭璞云皆林木鼓動之聲瀏音留莅

如字弗古卉字吸音翕

盖象金石之聲

正義金鐘石磬

管簫之音

正義廣雅云象

簾長一尺圍一寸有六孔無底簫謂之笛有七孔說文云簫三孔籥也

柴池茈虬

集解徐廣曰柴

音差虬音多索隱張揖云柴池參差也茈虬不齊也茈音差虬音側氏反

旋環後宮雜遝累

輯集解徐廣曰雜一作插

被山緣谷循阪下隰視之無端究之無

窮於是玄猿素雌雌猱飛鷗

集解徐廣曰雌音于季反鷗索漢書音義曰雌似猱

猴仰鼻而長尾猱似猱猴而大飛鷗飛鼠也其狀如兔而鼠首以其顙飛也索隱郭璞曰蝟鼯鼠也紫毛赤色

飛且生一名飛生雌音贈遺之遺蝟音誅玄猿猿之雄者黑色也素雌猿之雌者素色也猱音古約反雌今猱

尾端為兩歧天雨便以尾挿鼻兩孔郭
璞曰猱色蒼黑能攫搏人故云猱也 蜚蜚

蜚蜚

集解

曰蜚音質駟案漢書音義曰山海經曰不咸之山有飛
蜚四翼郭璞曰蜚似獼猴而黃蜚未聞索隱張揖云

蜚也蜚蜚山下有獸似鹿馬足人首四角名為蜚蜚

經云鼻塗山下有獸似鹿馬足人首四角名為蜚蜚

即此也字或作蜚郭璞云蜚非也上已有蜚蜚此不應
重見又神異經云西方深山有獸毛色如猴能緣高木

其名為蜚字林云蜚 蜚胡穀蜚 集解徐廣曰蜚音在廉

音狄蜚蜚二獸名 蜚胡穀蜚 反似猱黑身蜚音呼谷

反蜚音詭駟案漢書音義曰穀白狐子也索隱張揖云
蜚胡似獼猴頭上有髮蜚以後黑郭璞曰穀似鼬而大

蜚以後黃一名黃蜚食獼猴蜚未聞姚氏案山經云即
山有獸狀如龜白身赤首其名曰蜚又說文云蜚胡黑

身白蜚若帶手有 棲息乎其間長嘯哀鳴翩幡互經 正義

郭云互經

天蟠枝格偃蹇杪顛

正義天音妖蟠音矯杪音弭沼反郭云皆援猴

在樹共戲恣態也天蟠頰申也

於是乎隄絕梁

正義張云絕梁斷橋也郭云梁厚石絕水也

騰殊榛

正義榛仕斤反爾雅云木藂生為榛也殊異也

捷垂條

正義捷音才業反張云捷特懸

垂之條

踔稀間

集解郭璞曰踔縣踔也託釣反

牢落陸離爛曼遠遷

正義郭云

奔走崩騰狀也顏云言其聚散不常雜亂移徙

若此輩者數千百處嬉游往來

宮宿館客庖厨不徙後宮不移

正義說文云庖厨屋鄭玄注周禮云庖言苞也

苞裹肉曰苞苴也後宮內人也言宮館各自有

百官脩具於是乎背秋涉冬天

子校獵乘鏤象六玉蚪

集解徐廣曰以玉為飾駟案郭璞曰鏤象山所出輿言有雕鏤

蚪龍屬也韓子曰黃帝駕象車六交龍是也

拖蜺旌

正義拖音徒可反張云析毛羽染以五綵綴以

縷為旌有似虹蜺氣靡雲旗

正義張云畫熊虎於旌似雲氣也

前皮軒後道游

集

郭璞曰皮軒草車也或曰即曲禮前有士師則載虎皮者也道道車游游車皆見周禮也

孫叔奉轡

衛公驂垂

集解駟案漢書音義曰孫叔者太僕公孫賀也衛公者衛青也太僕御大將軍驂垂也

扈從橫行出乎四校之中

集解郭璞曰言跋扈從恣不安鹵簿矣索隱晉灼云扈大

也文穎曰凡五校今言四者一隨天子乘輿也

鼓嚴簿縱獠者

集解駟案漢書音義曰鼓嚴嚴

鼓也簿鹵簿也駟謂鼓嚴於林簿之中然後縱獠也

江河為陸泰山為櫓

集解郭璞曰櫓

望樓也因山谷遮禽獸為陸音去車反

車騎雷起隱天動地先後陸離離

散別追淫淫裔裔緣陵流澤雲布雨施生貌豹

集解郭璞曰貌

執夷虎屬也音毗

搏豺狼

正義搏擊也杜林云豺似貌白色說文云狼爪

手熊羆

正義張云

熊犬身人足黑色羆大於熊黃白色皆能攀沿上高樹冬至入穴而蟄沿春而出也

足野羊

集解郭璞

曰野羊如羊千斤手足謂拍踰殺之

蒙鵑蘇

集解徐廣曰蘇尾也索隱孟康云鵑鵑尾也蘇折羽也張

揖云鵑似雉雞闔死不却案蒙謂覆而取之鵑以蘇為奇故特言之以成文耳鵑音曷決疑注云鳥尾為蘇也

綉白虎

集解徐廣曰綉音袴駟案郭璞曰綉謂絆絡之索隱張揖云著白虎之綉也

被豸文

集解郭璞曰著斑衣索隱輿服志云虎賁騎鵑冠武文單衣即此斑文也

跨野馬

索隱跨乘之也

三窰之危

集解駟案漢書音義曰三窰三成之山

下磧歷之坻

集解郭璞曰磧歷坂

名也正義坻音遲磧歷淺水中沙石也坻水中高處言獵人下此也徑陵赴險越壑厲水

推蜚廉

集解郭璞曰飛廉龍雀也鳥身鹿頭者

弄解豸

集解駉索漢書音義曰解豸似鹿而

一角人君刑罰得中則生於朝廷主觸不直者可得而弄也索隱解音蟹豸音文妳反格蝦蛤鉞

猛氏

集解駉索漢書音義曰蝦蛤猛氏皆獸名索隱晉灼曰蝦蛤闕郭璞曰今蜀中有獸狀如熊而小毛

淺有光澤名猛氏說文鉞小矛也音蟬

胃腰裏射封豕

集解郭璞曰腰裏神馬日行萬里兩

音窈嫻封豕大猪

箭不苟害解脰陷腦

索隱張揖云脰項也陷音苦念反亦依字讀也

弓不虛發應聲而倒於是乎乘輿彌節裴回翱翔往來

睨部曲之進退覽將率之變態然後浸潭促節

索隱浸潭猶漸

舟也漢書作浸淫或作乘輿案節也

儵儵遠去

集解郭璞曰儵音訓盛反

流離輕禽蹇

履狡獸轉白鹿捷狡兔

正義解徐廣曰轉音銳一作惠也

千歲滿五百歲色純白也晉徵祥記云白鹿色若霜不與他鹿為羣

軼赤電遺光耀

集解徐廣

曰超陵赤電電光不及言去速也

追怪物出宇宙

正義怪物謂游臯飛虞也張云天地四方

曰宇往古來今曰宙許慎云宙舟輿所極也按許說宙是也

彎繁弱

正義上鳥繁反文穎云彎牽也

繁弱夏后氏良弓名左傳云分魯公以夏后之璜封父之繁弱

滿白羽

正義文穎云引弓盡箭鏑為滿

以白羽羽箭故云白羽也

射游臯櫟蜚虞

集解郭璞曰臯臯羊也似人長脣反踵被髮食人飛

虞鹿頭龍身神獸櫟梢也

擇肉後發先中命處弦矢分藝殪仆

集解徐廣

曰射準的曰
藝仆音赴

然後揚節而上浮陵驚風歷駭颺

正義颺音必遙

反爾雅云謂暴風
從下升上故曰颺

乘虛無與神俱

正義張云虛無寥廓與元通靈言其所乘

氣之高故能出飛鳥
之上而與神俱也

麟玄鶴亂昆雞

集解徐廣曰麟音躡正義麟音玄鶴

二百六十歲
則淺黑色也

道孔鸞促駿驥拂鸞鳥捎鳳皇

集解駟案漢書音義

曰道秦由反鸞鳥雞反張云山海經云九疑之山有五
彩之鳥名曰鸞鳥也正義捎山交反京房易傳云鳳皇

鴈前麟後雞喙燕頤蛇頸龜背魚尾駢翼高丈二尺東
山經云其狀如鶴五采而首文曰經翼文曰順背文曰

義膺文曰仁股文曰信是鳥
自歌自舞雄曰鳳雌曰皇

捷駕雛掩焦明

集解駟案

索隱張揖云鷦明西方之鳥也樂汁圖徵曰鷦明狀似
鳳皇宋衷曰水鳥也正義按長喙踈翼翹尾非幽閑不

集非珍
物不食

道盡塗殫迴車而還招搖乎襄羊

索隱郭璞曰
襄羊猶仿佯

降集乎北紘

集解郭璞曰紘維也
北方之紘曰委羽

率乎直指閭乎反鄉

歷石闕歷封巒過鳩鵲望露寒

集解徐廣曰鳩音支
案漢書音義曰皆甘泉

宮左右
觀名也

下棠梨

集解駉案漢書音義曰宮名
也在雲陽縣東南三十里

息宜春

括地志云宜春宮在雍
州萬年縣西南三十里

西馳宣曲濯鵠牛首

集解駉案
漢書音義

曰宣曲宮名在昆明池西
牛首池名在上林苑西頭

登龍臺

集解駉案漢書音義
曰觀名在豐水西北

近掩細柳

正義郭曰觀名
在昆明南柳市

觀士大夫之勤略釣獠者之

所得獲

集解徐廣曰
釣一作診也

觀徒車之所轄轡

正義轄踐
也轡輓也

乘騎

之所蹂若

集解徐廣曰蹂音人久反

人民之所蹈躅與其窮極倦飢

集解徐廣曰音劇

驚憚惛伏不被創刃而死者佗佗籍籍填坑

滿谷揜平彌澤於是乎游戲懈怠置酒乎昊天臺索隱

張揖曰臺高上于昊天也

張樂乎轆轤之宇

集解徐廣曰轆音葛索隱郭璞云言曠遠深貌

也撞千石之鐘立萬石之鉅建翠華之旗樹靈鼉之鼓

集解郭璞曰木貫鼓中加羽葆其上所謂樹鼓

秦陶唐氏之舞聽葛天氏之歌

集解駉案漢書音義曰葛天氏古帝王號也呂氏春秋曰葛天氏之樂三人操牛尾投足以歌索隱張揖曰葛

天氏三皇時君號也呂氏春秋云其樂三人持牛尾投足以歌八闕一曰戴民二曰玄身三曰遂草木四曰奮

五穀五曰教天常六曰建帝功
七曰依地德八曰總禽獸之極
千人唱萬人山陵為

之震動

集解徐廣曰一作勲

川谷為之蕩波巴俞宋蔡淮南于遮

集解郭璞曰巴西閬中有渝水獠人居其上皆剛勇好
舞漢高募此以定三秦後使樂府習之因名巴渝舞也

駟案漢書音義曰于遮歌曲名索隱張揖曰禮樂記云
宋音宴女溺志蔡人謳負三人楚詞云吳謠蔡謳淮南

鼓員四人于遮
曲是其意也

文成顛歌

集解郭璞曰未聞也索隱文穎曰文成遼西縣名其縣人善歌

顛益州顛縣其人能作
西南夷歌顛即滇字

族舉逋奏

集解徐廣曰舉一作居

金鼓迭

起鏗鎗鐠磬洞心駭耳

集解郭璞曰鐠磬鼓音

荆吳鄭衛之聲韶

護武象之樂陰淫案衍之音鄢郢繽紛激楚結風

集解郭璞

曰激楚歌曲也列女傳曰聽激楚之遺風也索隱激楚急風也結風回風亦急風也楚地風氣既自漂疾然歌

樂者猶復依激結之急風俳優侏儒狄鞮之倡集解徐廣曰韋

昭云狄鞮地名在河內出善倡者所以娛耳目而樂心意者麗靡爛漫

於前索隱郭璞云言恣其觀也靡曼美色於後索隱張揖曰靡

細曼澤也韓子曰曼服皓齒也若夫青琴宓妃之徒集解駰案漢書音義曰皆古神女名

索隱伏儼曰青琴古神女也如淳曰宓妃絕殊離俗索隱

郭璞曰俗無雙也姣冶嫺都索隱郭璞云姣好也都雅也詩云

之間凡好或謂之姣音姣說文靚莊刻飭便嫫嫫約集解

郭璞曰靚莊粉白黛黑也

柔撓嬛嬛

集解徐廣曰音娟索隱柔撓嬛嬛皆骨體爽弱長艷貌也廣雅

云嬛嬛容也張揖曰嬛嬛猶婉婉也

斌媚嫋嫋

集解徐廣曰嫋音弱索隱嫋嫋乃冉反

悅也通俗文云類輔謂之嫋媚郭璞云嫋嫋細弱也小顏云細弱總謂骨體也

世獨繭之褕施

集解徐廣曰世音曳褕褕索隱張揖云施袖也郭璞曰獨繭繭絲也埤蒼云施衣長貌也

眇閭易以

戌削

集解徐廣曰閭易衣長貌戌削言如刻畫作之

嫋嫋徹循

集解郭璞曰衣服婆娑貌正義

嫋白服反姚音先微音白結反循音屑

與世殊服芬香溫鬱酷烈淑郁皓

齒粲爛宜笑的礫

索隱郭璞曰鮮明貌也楚詞曰美人皓齒以姱又曰蛾眉笑以的礫音礫

也長眉連娟微睇綿藐

索隱郭璞曰連娟眉曲細也綿藐視遠貌也娟音一全反睇音

大計反
藐音邀

色授魂與心愉於側

索隱張揖曰彼色來授我我魂往與接也愉音踰往

也悅也二義並通

於是酒中樂酣天子芒然而思似若有亡曰

嗟乎此泰奢侈朕以覽聽餘間無事棄日順天道以殺

伐時休息於此恐後世靡麗遂往而不反非所以為繼

嗣創業垂統也於是乃解酒罷獵而命有司曰地可以

墾辟悉為農郊以贍萌隸墮墻填塹使山澤之民得至

馬實陂池而勿禁

正義實滿也言人滿陂池任米捕所取也

虛宮觀而勿仞

正義仞音刃亦滿也言離宮別館勿令人居上並廢罷也

發倉廩以振貧窮補不足

恤鰥寡存孤獨出德號省刑罰改制度易服色更正朔

與天下為始於是歷吉日以齊戒襲朝衣乘法駕建華

旗鳴玉鸞游乎六藝之囿

正義六藝云言田獵說則遍游六藝而疾驅於仁義之道

也

驚乎仁義之塗覽觀春秋之林

集解鄭璞曰春秋所以觀成敗明善惡也

射狸首兼騶虞

集解駉案禮射義曰天子以騶虞為節諸侯以狸首為節騶虞者樂官備也狸

首者樂會時也

弋玄鶴建干戚載雲罕揜羣雅

集解駉案漢書音義曰大雅小

雅也索隱張揖曰罕車也前有九旒雲罕之車說者以雲罕為旌旗皆非也且案中朝鹵簿圖云雲罕駕駉不

兼言九旒罕車與九旒車別也揜捕也張揖曰詩小雅之材七十四人大雅之材三十一人故曰羣雅也悲

伐檀

索隱張揖曰其詩刺賢者不遇明主

樂樂胥

索隱毛詩桑扈云君子樂胥受天之祐言王者

樂得賢材之人使在位故天與之福祿也胥音先呂反樂音洛

修容乎禮園

正義禮所以自修飾

整威儀也

翱翔乎書圃

正義尚書所以明帝王君臣之道也

述易道

正義易所以繫靜微

妙上辨二儀陰陽中知人事下明地理也言田獵乃射訖又歷涉六經之要也

放怪獸

正義張云苑中

奇怪之獸不復獵也

登明堂坐清廟

正義明堂有五帝廟故言清廟王者朝諸侯之處

恣

羣臣奏得失四海之內靡不受獲

正義言天下之人無不受恩惠

於斯

之時天下大說嚮風而聽隨流而化喟然興道而遷義

索隱漢書作舜然猶欸然也音許貴反

刑錯而不用德隆乎三皇功羨於

五帝

索隱司馬彪云羨
溢也音怡戰反

若此故獵乃可喜也若夫終日

暴露馳騁勞神苦形罷車馬之用抗士卒之精

索隱抗
音五官

反

費府庫之財而無德厚之恩務在獨樂不顧衆庶忘

國家之政而貪雉兔之獲則仁者不由也從此觀之齊

楚之事豈不哀哉地方不過千里而園居九百是草木

不得墾辟而民無所食也夫以諸侯之細而樂萬乘之

所侈僕恐百姓之被其尤也於是二子愀然改容

索隱
郭璞

云愀變色貌
音作酉反

超若自失逡巡辟席曰鄙人固陋不知忌

諱乃今日見教謹聞命矣賦奏天子以為郎無是公言

天子上林廣大山谷水泉萬物及子虛言楚雲夢所有

甚衆侈靡過其實且非義理所尚故刪取其要歸正道

而論之

索隱大顏云不取其夸奢靡麗之論唯取終篇歸於正道耳小顏云刪取非謂削除其詞而說

者謂此賦已經史家刊削失其意也相如為郎數歲會唐蒙使略通夜郎

西轍中

集解徐廣曰羌之別種也音扶逼反索隱張揖云蒙故鄯陽令為郎中使行略取之文穎曰夜

郎轍中皆西南夷後以為牂牁犍為二郡轍音步北反發巴蜀吏卒千人

索隱案巴蜀二

都郡又多為發轉漕萬餘人用興法

集解駸案漢書曰用軍興法也誅

其渠帥巴蜀民大驚恐上聞之乃使相如責唐蒙因喻
告巴蜀民以非上意檄曰告巴蜀太守蠻夷自擅不討
之日久矣時侵犯邊境勞士大夫陛下即位存撫天下
輯安中國然後興師出兵北征匈奴單于怖駭交臂受
事詘膝請和康居西域重譯請朝稽首來享移師東指
閩越相誅右弔番禺太子入朝索隱文穎曰番禺南海郡理也弔至也東伐閩
越後至番禺故言右至非也案姚氏弔讀如字小顏云
兩國相伐漢發兵救之南越蒙天子德惠故遣太子入
朝所以云弔
爾非訓至也南夷之君西轅之長常效貢職不敢怠墮

延頸舉踵喁喁然

正義喁五恭反口向上也

皆爭歸義欲為臣妾道

里遼遠山川阻深不能自致夫不順者已誅而為善者

未賞故遣中郎將往賓之

索隱賈逵云賓伏也

發巴蜀士民各五

百人以奉幣帛衛使者不然靡有兵革之事戰鬪之患

今聞其乃發軍興制驚懼子弟憂患長老

索隱張揖云發軍謂發三

軍之衆興制謂起軍法誅渠帥也索唐衆為使而用軍興法制故驚懼蜀人也

郡又擅為轉粟

運輸皆非陛下之意也當行者或亡逃自賊殺亦非人

臣之節也夫邊郡之士聞烽舉燧燔

集解駟案漢書音義曰烽如覆米箕

縣著桔槔頭有寇則舉之燧積薪有寇則燔然之索隱
字林云簣澆米簣也音一六反纂要云簣浙箕也烽見
敵則舉燧有難則皆擲弓而馳索隱擲音女賴反荷兵而走流
焚烽主晝燧主夜

汗相屬唯恐居後觸白刃冒流矢義不反顧計不旋踵
人懷怒心如報私讎彼豈樂死惡生非編列之民而與
巴蜀異主哉計深慮遠急國家之難而樂盡人臣之道

也故有剖符之封析珪而爵

索隱如淳曰析中分也白藏天子青在諸侯也

位

為通侯居列東第

索隱列甲第在帝城東故云東第也

終則遺顯號於後

世傳土地於子孫行事甚忠敬居位甚安佚名聲施於

無窮功烈著而不滅是以賢人君子肝腦塗中原膏液
潤野草而不辭也今奉幣役至南夷即自賊殺或亡逃
抵誅身死無名謚為至愚恥及父母為天下笑人之度
量相越豈不遠哉然此非獨行者之罪也父兄之教不
先子弟之率不謹也寡廉鮮恥而俗不長厚也其被刑
戮不亦宜乎陛下患使者有司之若彼悼不肖愚民之
如此故遣信使曉諭百姓以發卒之事因數之以不忠
死亡之罪讓三老孝弟以不教誨之過方今田時重煩

百姓索隱重猶難也已親見近縣恐遠所谿谷山澤之民不徧

聞檄到亟下縣道集解駟案漢書百官表曰縣有蠻夷曰道索隱亟音紀力反亟急也使

咸知陛下之意唯毋忽也相如還報唐蒙已略通夜郎

因通西南夷道發巴蜀廣漢卒作者數萬人治道二歲

道不成士卒多物故費以巨萬計索隱案巨萬猶萬萬也數有大小二法張

揖曰算法萬萬為億是小數也蜀民及漢用事者多言其不便索隱案謂公卿

所言也是時邛笮之君長索隱文穎曰邛者今為邛都縣笮者今為定笮縣皆屬越雋郡

也聞南夷與漢通得賞賜多多欲願為內臣妾請吏比

南夷

索隱謂請置漢吏與南夷為比例也

天子問相如相如曰叩符冉駝

者近蜀道亦易通秦時嘗通為郡縣至漢興而罷今誠

復通為置郡縣愈於南夷

索隱張揖曰愈差也又云愈猶勝也晉灼曰南夷謂犍為

牂牁也西南謂越舊益州也

天子以為然乃拜相如為中郎將

索隱四百

石五歲遷補大縣令

建節往使副使王然于壺充國

索隱案漢書公卿表太初

元年為大鴻臚卿也

呂越人馳四乘之傳因巴蜀吏幣物以賂西

夷至蜀蜀太守以下郊迎縣令負弩矢先驅

索隱案亭吏名亭長

弩矢合是亭長負之今縣令自負矢則亭長當負弩也且負弩是守宰無定或隨時輕重耳按霍去病出擊匈奴

奴河東太守郊迎負弩又魏公子救趙擊秦秦蜀人以

軍解去平原君負弩矢迎公子於界上是也

為寵

索隱華陽國志云蜀大城北十里有昇僊橋送客觀相如初入長安題其門云不乘赤車駟馬不過

汝下於是卓王孫臨邛諸公皆因門下獻牛酒以交驩

卓王孫喟然而歎自以得使女尚司馬長卿晚

索隱小顏云尚

猶配也本或作當蓋後人改爾而厚分與其女財與男等同司馬長卿

便略定西夷邛笮冉駹斯榆之君皆請為內臣

索隱鄭氏斯音

曳張揖云斯俞才俞國也案今斯讀如字益部耆舊傳謂之斯叟華陽國志云邛都縣有四部斯叟一也除

邊關關益斤

索隱張揖曰斤廣也

西至沫若水

索隱張揖曰沫水出蜀廣平徼外與

青衣水合也若水出旄牛徼外至犍道入南至牂牁為

江華陽國志漢嘉縣有沫水音妹又音末

徼索隱張揖云徼塞也

通零關道

集解徐廣曰越

橋孫

水

集解韋昭曰為孫水作橋

以通邛都

索隱案華陽國志云相如卒開犍道通南中置越嶲郡韓

說開益州唐蒙開牂牁斬苻王首置牂牁郡也

還報天子天子大悅相如使時

蜀長老多言通西南夷不為用唯大臣亦以為然相如

欲諫業已建之不敢

索隱案業者本也本由相如立此事故不敢更諫

乃著書

籍以蜀父老為辭而已詰難之以風天子且因宣其使

指令百姓知天子之意其辭曰漢興七十有八載

集解徐廣

日元光六年也

德茂存乎六世

正義高祖惠帝高后孝文孝景孝武

威武紛紜湛

恩汪濊

索隱韋昭云湛音沈

羣生澍濡洋溢乎方外於是乃命使

西征隨流而攘

索隱攘却也音女羊反

風之所被罔不披靡因朝

冉從駝定笮存邛略斯榆舉苞滿

索隱服虔云夷種也滿字或作蒲也

結

軌還轅

索隱張揖云結屈也軌車迹也

東鄉將報至于蜀都耆老大夫

薦紳先生之徒二十有七人儼然造焉辭畢因進曰盖

聞天子之於夷狄也其義羈縻勿絕而已

索隱案羈馬絡頭也縻牛

紉也漢官儀云馬云羈牛云縻言制四夷如牛馬之受羈縻也

今罷三郡之士通夜郎

之塗三年於茲而功不竟士卒勞倦萬民不贍今又接
以西夷百姓力屈恐不能卒業此亦使者之累也竊為
左右患之且夫邛笮西夷之與中國並也歷年茲多不
可記已仁者不以德來彊者不以力并意者其殆不可
乎今割齊民以附夷狄弊所恃以事無用鄙人固陋不
識所謂使者曰烏謂此耶必若所云則是蜀不變服而
已不化俗也余尚惡聞若說

索隱張揖云惡聞若曹之言也包愷音一故反又音

烏烏者安也

然斯事體大固非觀者之所覲也余之行急其

詳不可得聞已請為大夫粗陳其略蓋世必有非常之人然後有非常之事有非常之事然後有非常之功非常者固常之所異也

索隱案常人見之以為異也

故曰非常之原黎

民懼焉

索隱張揖云非常之事其本難知衆人懼也

及臻厥成天下晏然也

昔者鴻水淳出汎濫衍溢民人登降移徙陴陬而不安

夏后氏戚之乃堙鴻水決流䟽河漉沈澹菑

集解徐廣曰漉一作

灑索隱漉音鹿菑音災漢書作灑沉澹災解者云灑分也音所宜反澹安也沉深也澹音徒暫反

東歸

之於海而天下永寧當斯之勤豈惟民哉

索隱案謂非獨人勤禹亦

親其心煩於慮而身親其勞躬胝無腠膚不生毛集解

徐廣

曰胝音竹移反腠種也一作腠音湊膚理也胝音魁索隱張揖曰腠一作戚躬體也戚湊理也韋昭曰胝戚中

小毛也胝音真尸反莊子云禹胝無腠脰不生毛李頤云脰白肉也音蒲未反故休烈顯乎無

窮聲稱決乎來茲且夫賢君之踐位也豈特委瑣握齷

索隱孔文祥云委瑣細碎握齷局促也拘文牽俗循誦習傳當世取說云

爾哉必將崇論閎議創業垂統為萬世規故馳騁乎兼

容并包而勤思乎參天貳地索隱索天子比德於地是二地也地與已并天為三

是參天也故禮曰天子與天地參是也且詩不云乎普天之下莫非王土

率土之濱莫非王臣

集解駟案毛詩傳曰濱涯也

是以六合之內八

方之外浸澤衍溢

索隱案浸澤猶漸浸也

懷生之物有不浸潤於

澤者賢君恥之今封疆之內冠帶之倫咸獲嘉祉靡有

闕遺矣而夷狄殊俗之國遼絕異黨之地舟輿不通人

迹罕至政教未和流風猶微內之則犯義侵禮於邊境

外之則邪行橫作放弑其上君臣易位尊卑失序父兄

不辜幼孤為奴係累號泣內嚮而怨曰蓋聞中國有至

仁焉德洋而恩普物靡不得其所今獨曷為遺已舉踵

思慕若枯旱之望雨盤夫為之垂涕

集解徐廣曰盤音戾索隱張揖曰狼

戾之夫也字或作戾盤古戾字

况乎上聖又惡能已故北出師以討彊

胡南馳使以誚勁越四面風德二方之君鱗集仰流

索隱

二方謂西夷邛僰南夷牂牁夜郎也

願得受號者以億計故乃闕沫若

集解

駟案漢書音義曰以沫若水為關

徼牂牁鏤零山梁孫原創道德之塗

垂仁義之統將博恩廣施遠撫長駕使䟽逖不閉

索隱逖遠

言其䟽遠者不被閉絕也

阻深闇昧得耀乎光明

索隱阻深漢書作

早朝也留音妹索字林又音忽也

以偃甲兵於此而息誅伐於彼遐邇

一體中外提福

集解徐廣曰提作提音支索隱說文云提安也音市支反

不亦康乎

夫拯民於沈溺奉至尊之休德反哀世之陵遲繼周氏

之絕業斯乃天子之急務也百姓雖勞又惡可以已哉

且夫王事固未有不始於憂勤而終於佚樂者也然則

受命之符合在於此矣

索隱張揖云合在於憂勤佚樂之中也

方將增泰

山之封加梁父之事鳴和鸞揚樂頌上咸五下登三

集解

徐廣曰咸一作函

駟案韋昭曰咸同於五帝登三王之上

索隱李奇云五帝之德漢比為減三王之德漢出其

上故云減五登三此說非也虞喜志林云相如欲減五

帝之一以漢盈之然以漢為五帝之數自然是登於三

王之上也今本減或作
咸是與韋昭之說符也觀者未覩指聽者未聞音猶鷦

明已翔乎寥廓而羅者猶視乎藪澤悲夫於是諸大夫

芒然喪其所懷來而失厥所以進喟然並稱曰允哉漢

德此鄙人之所願聞也百姓雖怠請以身先之敞因靡

徙因遷延而辭避

索隱案厥罔失容也靡徙失正也

其後人有上書言

相如使時受金失官居歲餘復召為郎相如口吃而善

著書常有消渴疾與卓氏婚饒於財其進仕宦未嘗有

與公卿國家之事稱病閒居不慕官爵常從上至長楊

獵正義括地志云秦長楊宮在雍州藍屋縣東南三里上起以宮內有長楊樹以為名是時天子

方好自擊熊羆馳逐野獸相如上疏諫之其辭曰臣聞

物有同類而殊能者故力稱烏獲索隱張揖曰秦武王力士舉龍文鼎者也

捷言慶忌索隱張揖曰吳王僚之子勇期賁育正義賁音奔孟賁古之勇士水行不避蛟

龍陸行不避豺狼發怒吐氣聲音動天夏育亦古之猛士也臣之愚竊以為人誠有

之獸亦宜然今陛下好陵阻險射猛獸卒然遇軼材之

獸索隱廣雅云卒暴也音倉沒反駭不存之地索隱謂所不慮而猛獸駭發也犯屬車

之清塵集解蔡邕曰古者諸侯貳車九乘秦滅九國兼其車服故大駕屬車八十一乘輿不及

還轅人不暇施巧雖有烏獲逢蒙之伎力不得用

集解駢案

吳越春秋曰羿傳射於逢蒙索隱孟子逢蒙學射於羿盡羿之道是也枯木朽株盡為害

矣是胡越起於轂下而羗夷接軫也豈不殆哉雖萬全

無患然本非天子之所宜近也且夫清道而後行中路

而後馳猶時有銜橛之變

集解徐廣曰橛音巨月反鉤逆者謂之橛矣索隱張揖曰

銜馬勒銜也歷駢馬口長銜也周遷輿服志云鉤逆上者為歷歷在街中以鐵為之大如雞子鹽鐵論云無銜

歷而禦捍馬是也

而况涉乎蓬蒿馳乎丘墳前有利獸之樂而

內無存變之意其為禍也不亦難矣夫輕萬乘之重不

以為安而樂出於萬有一危之塗以為娛臣竊為陛下
不取也蓋明者遠見於未萌而智者避危於無形禍固
多藏於隱微而發於人之所忽者也故鄙諺曰家累千
金坐不垂堂

索隱張揖曰畏簷瓦墜中人樂彥云垂此
邊也近堂邊恐其墮墜也非謂畏簷瓦

言雖小可以喻大臣願陛下之留意幸察上善之還過

宜春宮

正義括地志云秦宜春宮在雍州萬年縣西南
三十里宜春苑在宮之東杜之南始皇本紀云

葵二世杜南宜春苑中按今宜春宮見二世陵故作賦以哀也相如奏賦以哀二世行

失也其辭曰登陂陀之長阪兮

索隱陂普何反陀徒何反

坐入曾宮

之蹉峩

集解駢案漢書音義曰金並也索隱金步寸反

臨曲江之隍州兮

集解駢案

漢書音義曰隍長也苑中有曲江之象泉中有長洲也索隱隍音祈隍即碣字謂曲岸頭也有宮閣路今猶謂

之曲江在杜陵西北五里又三輔舊事云樂游原在西北是也

望南山之參差巖巖深

山之磴磴兮

集解徐廣曰磴音力工反索隱磴古江反音灼曰磴音籠古礧字蕭該云磴或作礧

長大貌

通谷磻兮

磻反索隱磻音呼舍反

汨減喻習以永逝

兮

索隱汨于筆反汨減疾貌也喻音許及反漢書作鞞鞞然輕舉意也

注平臯之廣衍觀

衆樹之塤薺兮

索隱薺音愛謂隱也

覽竹林之榛榛東馳土山兮

北揭石瀨

索隱說文云瀨水流沙上也

彌節容與兮

索隱容與游戲貌也

歷弔

二世持身不謹兮亡國失勢信讒不寤兮宗廟滅絕鳴

呼哀哉操行之不得兮墳墓蕪穢而不脩兮魂無歸而

不食賈邀絕而不齊兮彌久遠而愈休精罔閔而飛揚

兮拾九天而永逝

正義太玄經云九天謂一為中天二為養天三為從天四為更天五為辟

天六為廓天七為減天八為沈天九為成天

嗚呼哀哉相如拜為孝文園令

索隱百官志云陵園令六百石掌按行掃除也

天子既美子虛之事相如見上

好僊道因曰上林之事未足美也尚有靡者臣嘗為大

人賦

索隱張揖曰大人喻天子向秀云聖人在位謂之大人張華云相如作遠遊之體以大人賦之也

未就請具而奏之相如以為列僊之傳居山澤間

索隱案傳

者謂相傳以列仙居山澤間音持全反小顏及劉氏並作儒讀云儒柔術士之稱非也

形容甚臞

集解徐廣曰臞瘦也索隱韋昭曰臞瘠也文子云堯臞瘦音巨俱反此非帝王之僊意也

乃遂就大人賦其辭曰世有大人兮在于中州宅彌萬

里兮曾不足以少留悲世俗之迫隘兮竭輕舉而遠游

索隱如淳曰武帝云誠得如黃帝去妻子如脫屣是悲世俗迫隘也垂絳幡之素蜺兮載

雲氣而上浮建格澤之長竿兮總光耀之采旄

集解駢案漢書

音義曰格澤之氣如炎火狀黃白色起地上至天以此氣為竿旄葆也總係也係光耀之氣於長竿以為葆者

垂旬始以為慘兮拙彗星而為髻

集解駢案漢書音義曰旬始氣如雄雞尾

於豫下以為旒也髻燕尾也

掉指橋以偃蹇兮又旖旎

以招搖

集解駢案漢書音義曰指橋隨風指靡索

攬攬

槍以為旌兮

正義天官書云天槍長數丈兩頭銳其形類彗也

靡屈虹

而為綢

集解駢案漢書音義曰綢韜也以斷虹為旌杠之綢索隱應劭云旌旂屈撓之貌綢音直留反

或音韜屈

紅杳渺以眩湑兮焱風涌而雲浮

集解駢案漢書音義

虹斷虹也曰旬始屈虹氣色紅杳渺眩湑閭冥無光也索隱蘇林曰眩音炫湑音麤晉灼云紅赤色貌杳渺深遠眩湑混

合也紅

駕應龍象輿之蠖略透麗兮騂赤螭青蚪之幽

或作虹

螺蛭低印天嬌据以驕驚兮詘折隆窮索隱張揖曰据直須也驕

驚縱恣也据音據驕音居召反驚音五到反蠓以連卷索隱韋昭曰蠓龍之形貌也音起碧反連

卷音輦卷沛艾赴螭乞以佻擬兮集解駉案漢書音義曰赴螭中頸低印也擬不前也

索隱張揖曰赴螭牙跳也赴音居幼反螭音許救反乞舉頭也乞音魚乞反佻音勅吏反擬音魚吏反放

散畔岸驤以孱顏索隱服虔曰馬仰頭其口開正孱顏也韋昭曰顏音吾板反詩云兩服上

驤注云驤馬是也跽蹠輶轄容以委麗兮綢繆偃蹇怵鼻以梁

倚集解徐廣曰跽蹠乍前乍却也蛭音丑栗反蹠音勅略反輶烏葛反轄音曷綢一作雕鼻音他畧反駉案

漢書音義曰怵鼻走也梁倚相著也索隱張揖曰跽蹠疾行互前却也輶輶搖目吐舌也跽音褚栗反蹠音褚

略反輻音過輻音昌綱音徒弔反張揖曰偃蹇却器也
廣雅曰偃蹇天矯也韋昭曰鼻音咎略也相如傳云脩

鼻遠去鼻袂也糾蓼叫鼻躅以艘路兮集解徐廣曰艘音介至也索隱蓼音了鼻音五

到反小顏云叫界高舉貌踏音徒荅反艘音屈三倉云踏著地孫炎云艘古界字也茂蒙踊躍騰

而狂趨集解駉案漢書音義曰茂蒙飛揚也趨走莅颯卉翕燦至電過兮煥

然霧除霍然雲消邪絕少陽而登大陰兮與真人乎相

求集解駉案漢書音義曰少陽東極太陰北極邪度東極而升北極者也互折窈窕以右

轉兮橫厲飛泉以正東正義厲渡也張云飛泉谷也在崑崙山西南悉徵靈

圉而選之兮部乘衆神於瑤光集解駉案漢書音義曰瑤光北斗杓頭第一星

使五帝先導兮

正義導導引也五帝五時帝太皓之屬也

反太一而從陵陽

集解

駟案漢書音義曰僊人陵陽子明也正義天官書云中宮天極星其一明者太一常居也列僊傳云子明

於沛鉉縣旋溪釣得白龍放之後白龍來

迎子明去止陵陽山上百餘年遂得仙也

左玄冥而右

含靄兮

集解駟案漢書音義曰含靄黔羸也天上造化神名也或曰水神

前陸離而後

湑湟

集解駟案漢書音義曰皆神名

廝征北僑

集解徐廣曰燕人也形解而征也索隱應劭曰

廝役也張揖曰王子喬也漢書郊祀志作正伯僑此當是別人恐非王子喬也

而役羨門兮

正義

張云羨門碣石山屬岐伯使尚方

上仙人羨門高也

集解徐廣曰岐伯黃帝臣駟案漢書音義

曰尚主也岐伯黃帝

祝融警而蹕御兮

正義張云祝融南方炎帝之佐

太醫屬使主方藥

祝融警而蹕御兮

也獸身人面乘兩龍應火正清氛氣而後行屯余車其也火正祝融警蹕清氛氣也

萬乘兮絳雲蓋而樹華旗索隱絳音祖內反如使勾芒

其將行兮正義張云勾芒東方青帝之佐也鳥身人面乘兩龍顏云將行領從者也吾欲往

乎南嬉歷唐堯於崇山兮過虞舜於九疑正義張云崇山狄山也海

外經云狄山帝堯葬其陽九疑山零陵營道縣舜所葬處紛湛湛其差錯兮索隱湛音徒感

反雜還膠葛以方馳索隱廣雅云膠葛驅馳也騷擾衝菴其相紛拏

兮索隱衝音昌勇反菴音息冗反滂淠泱泱灑灑以林離錯羅列聚叢以

龍茸兮衍蔓流爛壇以陸離集解徐廣曰壇音坦徑入靈室之碑

磷鬱律兮洞出鬼谷之崖

集解駢案漢書音義曰鬼谷在北辰下衆

鬼之所聚也楚辭曰贅鬼谷於北辰正義崖口骨反
暑力罪反崑烏迴反磽音回張云崖暑崑磽不平也徧

覽八紘而觀四荒夸竭渡九江而越五河

正義顏云五色之河也仙

云紫碧絳青黃之河也

經營炎火而浮弱水兮

正義姚丞云大荒西經云崑崙之岳

其外有炎火之山投物輒然枯地志云弱水有二源俱出女國北阿傳達山南流會于國北又南歷國北東去一里深丈餘闊六十步非乘舟不可濟流入海阿傳達山一名崑崙山在雍州西南一萬五千三百七十里又

云弱水在甘州張掖縣南山下

杭絕浮渚而涉流沙

集解駢案漢書音義曰杭船也絕渡

也浮渚流沙中渚也

奄息總極汜濫水嬉兮

集解駢案漢書音義曰總極葱嶺山也在

西域

使靈媧鼓瑟而舞馮夷

集解徐廣曰媧一作貽駟索漢書音義曰靈媧女媧

也馮夷河伯字淮南子曰馮夷得道以潛大川正義馮名夷以庚日溺死河常以庚日好溺死人時若

夢夢將混濁兮召屏翳

正義應云屏翳天神使也韋云雷師也

誅風伯

張云風伯字飛廉

而刑雨師

正義沙州有雨師祠

西望崑崙之軌

正義張云海內

經云崑崙去中國五萬里天帝之下都也其山廣袤百里高八萬仞增城九重面九井以玉為檻旁有五門開

明獸守之枯地志云在崑崙肅州酒泉縣南八十里十六國春秋魏昭成帝建國十年涼張駿酒泉太守馬岌

上言酒泉南山即崑崙之體周穆王見西王母樂而忘歸即謂此山有石室王母堂珠璣鏤飾煥若神宮又刪

丹西河名云弱水禹貢崑崙在臨羌之西即此明矣括地志云又阿傳達山亦名建末達山亦名崑崙山恒河

出其南吐師子口經天竺入達山媯水今名為澣海出於崑崙西北隅吐馬口經安息大夏國入西海黃河出東北隅吐牛口東北流經溫澤潛出大積石山至華山北東入海其三河去山入海各三萬里此謂大崑崙肅州謂小崑崙也禹本紀云河出崑崙二

千五百餘里

日月所相隱避為光明也

沕沕忽兮直徑

馳乎三危

集解駟案三危山名也正義括地志云三危山在沙州東南三十里

排闥闔而

入帝宮兮

正義韋昭云闥闔天門也淮南子曰西方曰西極之山闥闔之門

載玉女而

與之歸

正義張云玉女青要乘戈等也

舒闥風而搖集兮

正義張云闥風在崑崙闔

闔之中楚辭云登闔風而縹馬也

亢烏騰而一止

集解駟案漢書音義曰亢然高飛如鳥之

騰也

低回陰山翔以紆曲兮

正義張云陰山在大崑崙西二千七百里

吾乃今

目睹西王母矐然白首

集解徐廣曰矐音下沃反索隱矐音鵠正義張云西王母其狀

如人豹尾虎齒蓬鬢矐然

戴勝而穴處兮

集解郭璞曰勝玉勝也正

義顏云勝婦人首飾也漢代謂之華勝

亦幸有三足鳥為之使

正義張云三足鳥青

鳥也主為西王母取食在崑崙之北

必長生若此而不死兮雖濟萬世不

足以喜回車竭來兮絕道不周

集解駉索漢書音義曰不周山在崑崙東南

會食幽都呼吸沆瀣殮朝霞兮噍咀芝英兮噉瓊華

集解

徐廣曰噉音祈小食也駉索韋昭曰瓊華玉英

媿侵澍而高縱兮紛鴻涌而上

厲

集解徐廣曰媿音懣索隱漢書媿作襟襟仰也音禁媿音魚錦反

貫列缺之倒景兮

涉豐隆之滂沛

集解駟案漢書音義曰列缺天門也倒景曰在下正義張云豐崇雲師也淮南

子云季春三月豐崇乃出以將雨按豐崇將雲雨故云滂沛

馳游道而脩降兮正義正游

車也道下車也脩長也降下也

驚遺霧而遠逝迫區中之隘陝兮舒節

出乎北垠遺屯騎於玄闕兮軼先驅於寒門

集解駟案漢書音義

曰玄闕北極之山寒門天北門

下崢嶸而無地兮上寥廓而無天視眩

眠而無見兮聽愴恍而無聞乘虛無而上假兮超無有

而獨存

集解徐廣曰假音古下反至也

相如既奏大人之頌天子大說

飄飄有凌雲之氣似游天地之間意相如既病免家居

茂陵天子曰司馬相如病甚可往從悉取其書若不然

後失之矣使所忠往

正義姓所名忠也風俗通姓氏云漢書有諫大夫所忠氏

而相

如已死家無書問其妻對曰長卿固未嘗有書也時時

著書人又取去即空居長卿未死時為一卷書曰有使

者來求書奏之無他書其遺札書言封禪事奏所忠忠

奏其書天子異之其書曰伊上古之初肇自昊穹兮生

民歷撰列辟以迄于秦

集解徐廣曰撰一作選索隱文穎曰選數也

率邇者

踵武

集解徐廣曰率循也邇近也武迹也循省近世之遺迹索隱言循覽近代之事則踵蹈者可知也

逖聽者風聲

集解徐廣曰逖遠也聽察遠古之風聲索隱風聲風雅之聲以言聽遠古之事則著

在風雅之聲也

紛綸歲蕤堙滅而不稱者不可勝數也

索隱胡廣曰紛

亂也淪沒也歲蕤委頓也張揖曰亂貌

續昭夏崇號謚略可道者七十有

二君

集解駟案漢書音義曰昭明也夏大也德明大相繼封禪於泰山者七十有二人索隱見韓詩外傳

及封禪書也

罔若淑而不昌疇逆失而能存

集解徐廣曰若順也駟案韋昭

曰疇誰也言順善必昌逆失必亡

軒轅之前遐哉邈乎其詳不可得聞

也五三六經載籍之傳維見可觀也

索隱胡廣云五五帝也三三王也案

六經詩書禮樂易春秋也

書曰元首明哉股肱良哉因斯以談君莫

盛於唐堯臣莫賢於后稷后稷創業於唐公劉發迹於

西戎文王改制爰周邳隆

集解徐廣曰邳蓋字誤皇甫謐曰王季宅程故周書曰維

王季宅程孟子稱文王生於畢程或者邳字宜為程乎或為胙北地有邳邳縣胙大也音質駟案漢書音義曰

邳至也索隱爰於及也邳大也盛也樊光云邳可見之大也徐及皇甫之說皆非也以言文王改制及周而大

盛大行越成

集解駟案漢書音義曰行道也文王始開王業改正朔易服色太平之道於是成矣

索隱應劭云大行謂以言道德大行也

而後陵夷衰微千載無聲

集解徐廣曰周

之王四海千載之後聲教乃絕駟案韋昭曰無惡聲

豈不善始善終哉然無異端

慎所由於前謹遺教於後耳故軌迹夷易遵也湛恩

濛涌易豐也憲度著明易則也垂統理順易繼也是以

業隆於經祿而崇冠於二后

集解駟案漢書音義曰經祿謂成王也二后謂文武

也周公負成王致太平功德冠於文武者道成法易故也揆厥所元終都攸卒

集解駟案

漢書音義曰都於卒終也

未有殊尤絕迹可考于今者也然猶躡梁

父登泰山建顯號施尊名大漢之德濛涌原泉

集解韋昭曰漢

德濛涌如泉原也索隱張揖曰逢遇也喻其德盛若遇泉原之流也又作峯讀胡廣曰自此已下論漢家之德

也沕涌漫衍旁魄四塞雲專霧散

集解徐廣曰專音布

上暢九垓

下汧八埏

集解徐廣曰音衍駟案漢書音義曰暢達垓重也汧流也埏若八埏地之際也言其德上

達於九重之天下
流於地之八際也
懷生之類
霑濡浸潤
協氣橫流
武節

飄逝
邇陝游原
迥闊
泳沫

集解駟案漢書音義曰邇近原本也迥遠闊廣也泳浮也

恩德比之於水近者
游其原遠者浮其沫

首惡湮沒
闇昧昭哲

集解駟案漢書音義曰始

為惡者皆湮滅闇昧
喻夷狄皆化

昆蟲凱澤
回首面內

集解韋昭曰面內曰面向也然後

圓騶虞之珍羣
徼麋鹿之怪獸

集解駟案漢書音義曰徼遮也麋鹿得其奇怪

者謂獲
白麟也
導一莖六穗於庖

集解徐廣曰導瑞禾也駟案漢書音義曰謂嘉禾之米於

庖厨以供祭祀
索隱鄭德云導擇也說文嘉禾一名導字林云禾二莖六穗謂之導也

犧雙觥共

抵之獸

集解徐廣曰抵音底駟案漢書音義曰犧牲也觥角也抵本也武帝獲白麟兩角共一本因以

為性也

獲周餘珍收龜于岐

集解徐廣曰一作放龜駟案漢書音義曰餘珍得周鼎也

岐水名也

招翠黃乘龍於沼

集解駟案漢書音義曰翠黃乘黃也龍翼馬身黃帝乘而登仙

言見乘黃而招呼之禮樂志曰訾黃其何不徠下余吾渥洼水中出神馬故曰乘龍於沼索隱服虔云乘龍四

龍也翠黃孟說是也周書云乘黃似狐背上有兩角也

鬼神接靈圉賓於閒館

集解徐廣曰言至德與神明通接故靈圉為奇物譎詭倣

賓旅於閒館矣郭璞曰靈圉仙人名也窮變欽哉符瑞臻茲猶以為薄不敢道封禪蓋周躍魚

隕杭休之以燎

索隱杭舟也胡廣云武王渡河白魚微入王舟俯取以燎隕墜之於舟中也

夫斯之為符也以登介邱不亦惑乎

集解駟案漢書音義曰介太邱山也

言周以白魚為瑞登集解徐廣曰進讓之道其何爽與駟

太山封禪不亦慙乎集解徐廣曰案漢書音義曰進周也讓漢也言周末可封禪為進漢

可封禪而不封禪為讓也索隱爽猶差也言漢周進讓

之道皆集解於是大司馬進曰陛下仁育羣生義征不愷

駟案漢書音義曰大司馬上諸夏樂貢百蠻執贄德侔

公也故先進議愷音惠順也集解往初功無與二休烈浹洽符瑞衆變期應紹至不特創

見集解徐廣曰不但初顯符瑞而已蓋將終以封禪之事索隱文穎云不獨一物初創見也胡廣云符瑞衆

多應期相繼而至也集解意者泰山梁父設壇場望幸蓋號以况榮

徐廣曰以况受上天之榮為名號索隱案本或作望華

蓋華蓋星名在紫微大帝之上今言望聖帝之臨幸也

義亦兩通而孟康服虔注本皆幸下有華字而虞摯流
別集則唯云幸幸當是也於義亦通直以後人見幸下
有蓋字又幸字似華故因疑惑遂定華字使誤也文類
云蓋合也言考合前代之君揆其榮而相比況以為號
也大顏云蓋欲也言欲化功立號受天之况賜榮名也
於義為愜然其文云蓋詞義典質又上與幸字連文致
今有華蓋

上帝垂恩儲社將以薦成

集解徐廣曰以衆瑞物初至封禪處

薦之上天告成功也索隱

案漢書作慶成義亦通也陛下謙讓而弗發也挈三神

之驩

集解徐廣曰挈猶言垂也駟案韋昭曰挈缺也三神上帝泰山梁父也索隱徐氏云挈猶垂非也應

劭挈作絕李奇韋昭作缺意亦不遠三神如淳謂地祇天神山嶽也與韋不同

缺王道之儀羣

臣恐焉或謂且天為質闇珍符固不可辭

集解駟案漢書音義曰言

天道質昧以符瑞見意不可辭讓也

若然辭之是泰山靡記而梁父靡幾

也

集解駢案漢書音義曰太山之上無所表也記梁父壇場無所庶幾索隱案幾音冀

亦各並時

而榮咸濟世而屈

集解駢案漢書音義曰屈絕之也言古帝王但作一時之榮畢代而絕也

說者尚何稱於後

集解徐廣曰若無封禪之遺迹則榮盡於當時至於歷世之後人何所述

而云七十二君乎

索隱言古封禪之帝王是各並時而榮貴盛有濟世之勲而屈者謂言抑

屈摠不封禪使說者尚何稱迷後代而云七十二君乎

夫脩德以錫符奉符以行

事不為進越

索隱文穎云越踰也

故聖王勿替而修禮

地祇謁款天神

集解駢案漢書音義曰款誠也謁告之報誠也

勒功中嶽以彰

至尊舒盛德發榮號受厚福以浸黎民也皇皇哉斯事

天下之壯觀王者之丕業不可貶也願陛下全之而後

因雜薦紳先生之略術使獲耀日月之末光絕炎以展

采錯事

集解徐廣曰錯音厝駟案漢書音義曰采官也便諸儒記功著業得觀日月末光殊絕之用以

展其官職設厝其事業者也

猶兼正列其義校飭厥文作春秋一藝

集解徐廣曰校一作被被猶拂也音廢也駟案漢書音義曰春秋者正天時列人事諸儒既得展事業因兼正

天時列人事叙述大義為一經

將襲舊六為七

集解韋昭曰今漢書增一仍舊六為七也 據

之無窮

集解徐廣曰據一作臚臚叙也索隱廣雅云據張舒也

俾萬世得激清流

揚微波蜚英聲騰茂實

索隱胡廣曰飛揚英偉之聲騰馳茂盛之實也

前聖之

所以永保鴻名而常為稱首者用此

索隱案謂用此封禪也

宜命

掌故悉奏其義而覽焉

集解駉案漢書音義曰掌故太史官屬主故事也

於是

天子沛然改容曰愉乎朕其試哉乃遷思回慮總公卿

之議詢封禪之事詩大澤之博廣符瑞之富

集解駉案漢書音義

曰詩歌詠功德也下四章之頌也大澤之博謂自我天覆雲之油油廣符瑞之富謂斑斑之獸以下三章言符

瑞廣大富饒也

乃作頌曰自我天覆雲之油油

集解駉案漢書音義曰油油雲

行貌孟子曰油然作雲沛然下雨

甘露時雨厥壤可游滋液滲漉何生

不育

集解徐廣曰滲音色蔭反索隱案說文云滲漉水下流之貌也

嘉穀六穗我穡曷

蓄

集解徐廣曰何所蓄耶蓄嘉穀

非唯雨之又潤澤之非唯濡之汜專

獲之

集解徐廣曰古布字作專索隱胡廣曰汜普也言雨澤非偏於我普遍布散無所不獲也

萬物

熙熙懷而慕思名山顯位望君之來

集解韋昭曰名山大山也顯位封禪

也

君子君乎侯不邁哉

索隱小顏云侯何也邁行也言君何不行封禪

般般之

獸樂我君囿

索隱案般般文彩之貌也音班胡廣曰謂騶虞也

白質黑章其儀

可嘉旼旼睦睦君子之能

集解徐廣曰旼音是和貌也能一作熊駟案漢書音義曰

是和睦敬言和且敬有似君子

蓋聞其聲今觀其來厥塗靡蹤天瑞之

徵

集解徐廣曰其所來路非有迹蓋自天降瑞不行而至也

茲亦於舜虞氏以興

索隱

文穎曰舜百獸率舞則騶虞亦在其中也

濯濯之麟游彼靈時

集解駉案漢書音義曰武

帝祠五時獲白麟故言游靈時索隱詩人云麇鹿濯濯注云濯濯嬉遊也

孟冬十月君徂郊

祀馳我君興帝以享祉三代之前蓋未嘗有宛宛黃龍

興德而升

索隱胡廣曰宛宛屈伸也

采色炫燿煥炳輝煌

集解徐廣曰煥音晃

煥音晃

正陽顯見覺寤黎烝

索隱文穎云正陽陽明也謂南面受朝也

於傳載

之云受命所乘

索隱如淳曰書傳所載揅其此類以為漢土德黃龍為之應見之於成紀故云

受命所乘也

厥之有章不必諄諄

集解徐廣曰諄止純反告之丁寧駉案漢書音義白

天之所命表以待瑞章明其德不必諄諄然有語言也

依類託寓諭以封巒

集解駟案

漢書音義曰寓寄也巒山也言依事類託寄以喻封禪也

披藝觀之天人之際已交

上下相發允答聖王之德兢兢翼翼也故曰興必慮衰

安必思危是以湯武至尊嚴不失肅祗舜在假典顧省

厥遺此之謂也

集解徐廣曰假大也

司馬相如既卒

集解徐廣曰元狩五年也

五歲天子始祭后土八年而遂先禮中嶽

正義嵩高也在洛州陽城

縣西北十二里

封于太山

正義在兗州博城縣西北三十里

至梁父禪肅然

集解徐廣曰小山在泰山下趾東北

相如他所著若遺平陵侯書

集解徐廣曰蘇

也建與五公子相難草木書篇不采采其尤著公卿者云

太史公曰春秋推見至隱

集解韋昭曰推見事至於隱諱謂若晉文召天子經言狩

彰而文微若隱公見弑而經不書諱之也易本隱之以

顯集解韋昭曰易本隱微妙出為人事乃顯著也索隱

顯虞喜志林曰春秋以人事通天道是推見至隱也易

隱以天道接人事索大雅言王公大人而德逮黎庶集解

譏小已之得失其流及上集解韋昭曰小雅云人志狹

上政之得失者索隱張揖云已詩人自謂也已小有得

失不得其所作詩流言以諷其上也故詩緯云小雅譏

已得失及所以言雖外殊其合德一也相如雖多虛辭
之於上也所以言雖外殊其合德一也相如雖多虛辭
濫說然其要歸引之節儉此與詩之風諫何異揚雄以
為靡麗之賦勸百風一猶馳騁鄭衛之聲曲終而奏雅
不已虧乎余采其語可論者著于篇

索隱述贊曰相如縱誕竊資卓氏其學無方其才足
倚子虛過吒上林非侈駟馬還邛百金獻伎惜哉封

卓爾

史記卷一百十七

史記卷一百一十七考證

司馬相如列傳名曰雲夢索隱裴駰云孫叔敖激沮水

作此澤○

臣照

按周禮職方荊州其澤藪曰雲夢在

孫叔敖前有此澤非激沮水明矣

芷若射干○考要曰此賦三用玄鶴三用射干漢書文

選芷若下無射干字師古李善並謂俗本誤增也其

上云鴈雛孔鸞騰遠射干乃狐類其云藁本射干乃

香草不嫌其複也又如赤猿蠹蝓犀象野牛窮奇猥

挺之句漢書文選俱無之不知二書誤脫抑亦後人所增乎

梗枏豫章正義案溫活人云○

臣世駿

案活人書名即

本草也溫字疑衍

右以湯谷為界正義言右者北向天子也○陳子龍曰
湯谷日出之區應在齊東而云右恐左字之誤正義
所云北向天子亦無據劉奉世漢書刊誤亦云右當
為左

秋田乎青邱傍惶乎海外正義服虔云青邱國在海東
三百里郭云青邱山名上有田亦有國出九尾狐在
海外○今本山海經注無上有田三字亦有國者海
外東經又有青口國也

歲橙若蓀○焦氏筆乘曰歲橙李善本作歲持歲音針
乃馬藍又作寒將即薰蔣善本蓋誤以將作持也張
揖曰歲持缺故詳具之

故遣中郎將往賓之索隱賈逵云賓伏也○徐孚遠曰

賈說非也謂以賓見諸侯之禮接之

其為禍也不亦難矣○顧炎武曰衍亦字

遯聽者風聲索隱風聲風雅之聲以言聽遠古之事則
著在風雅之聲也○凌稚隆曰言風聲見其遠也索
隱言風雅之聲謬

藁一莖六穗於庖集解徐廣曰藁瑞禾也駟案漢書音
義曰謂嘉禾之米於庖厨以供祭祀索隱鄭德云藁
擇也說文嘉禾一名藁字林云禾一莖六穗謂之藁

也○楊慎曰徐楚金云藻字諸解惟鄭德得之徐廣瑞禾臆說字林亦據此文而傳會之耳

楊雄以為靡麗之賦勸百風一猶馳騁鄭衛之聲曲終而奏雅不已虧乎○王若虛辨惑曰前漢書全引此語予嘗疑之按遷傳雖不著其死之歲月然云遷既死後其書稍出宣帝時遷外孫楊惲祖述其書遂宣布焉則其死不過在昭宣之間耳而雄以成帝元延之初始自蜀遊京師年七十一卒於王莽天鳳五年

逆而推之宣帝之二十年雄乃始生遷著書時安得
雄之言乎是必孟堅所續而後人誤附於史記耳因
學紀聞曰江氏案曰雄後於遷甚久遷得引雄辭何
哉蓋後人以漢書贊附益之

史記卷一百一十七考證